

畿輔通志卷一百四

列傳十二

唐

冀州

蓋又達

張昌齡 兄昌宗

張連祖

蘇安恒

杜景儉子澄

趙涓 子博宣

田神功

孔巢父
從子戡
孫緯戡
戡子溫業戡

燕遺倩

王達多
張邱感
張藝朗

趙州

李育德 兄厚德

李思行

李守素

李素立

父政期 子休烈 孫至遠 從遠 至遠子畬
從遠子巖 畬子承 承子藩

李

兄弟
尙正

李希仲

李嘉祐

啖助

李陽冰

李端 子虞仲

李芑

李遜 子方元弟
建子誦

李翺

李固言

李珣

牛元翼

李孟嘗

深州

張進

李安期

張鷟 孫薦

崔元暉

弟昇子璩
子璩子璩
縱孫碣

劉幽求

魏知古

李湛

崔倫 子衍

崔造

崔峒

崔漢衡

崔瓘

崔良佐 子元翰

崔翰

崔咸

崔戎 子雍

崔宏禮

崔珙

子涓兄琯弟璿璿子遠璿子璿

崔膺

定州

支叔才

崔仁師

孫液
液子論 澄

郎岌

郎士元

程日華

子懷直
懷信子權 懷直從兄懷信

劉禹錫

陳楚

張務朝

子元超

談英

王鳳

弟賢

五代

順天府

王思同

范廷策

扈載

保定府

西方鄴

天津府

張建立

宣化府

薛志勤

蓋寓

冀州

孫岳

烏震

趙州

石君立

符習
子令謙 蒙

深州

李自倫

唐

冀州

蓋文達冀州信都人博涉前載尤明春秋三家刺史竇杭集
諸生講論時耆儒劉焯劉軌思孔穎達咸在坐而文達依經

辨舉皆諸儒意所未叩一坐厭歎奇之問安所從學焯曰若人岐嶷出自天然以多問寡則焯爲之師杭曰冰生於水面寒於水其謂此耶武德中授國子助教爲秦王文學館直學士貞觀初

舊書作貞觀十年

擢諫議大夫兼宏文館學士爲蜀王師

以王有罪坐免後除崇賢館學士卒

新唐書

張昌齡冀州南宮人與兄昌宗皆以文自名州欲舉秀才昌齡以科廢久固讓更舉進士與王公治齊名皆爲考功員外郎王師旦所絀太宗問其故荅曰昌齡等華而少實其文淫靡非令器也取之則後生勸慕亂陛下風雅帝然之貞觀初翠微宮成獻頌闕下召見試息兵詔少選成文帝大悅戒之曰昔禰衡潘岳矜已傲物不得令終卿才不減二人宜鑒於前副朕所求乃敕於通事舍人裏供奉俄爲崑山道記室平

龜茲露布爲士所稱賀蘭敏之奏豫北門修撰卒

新唐書

文集

二十卷

舊唐書

昌宗官至太子舍人修文館學士

新唐書

撰古文

紀年新傳三十篇

舊唐書

張連祖南宮人性豪邁能詩或勸攻舉業笑曰筆硯豈封侯

器耶乃詣闕上邊計高祖拜爲鎮遠將軍弟顯祖太宗初爲

南宮功曹弟顯義爲長樂郡功曹

冀州志

蘇安恒冀州武邑人博學尤明周官春秋左氏學武后末年

太子雖還東宮政事一不與大臣畏禍不敢言安恒投匭上

疏曰陛下鷹先聖顧託受嗣子揖讓應天順人二十餘年豈

不聞虞舜褰裳周公復辟事乎今太子孝謹春秋盛壯使統

臨宸極何異陛下身撫天下哉胡不傳位東宮休養聖躬自

昔天下無二姓并興且梁定河內建昌諸王以親得封恐萬

歲後不能良計宜退就公侯任以閑簡又陛下二十餘孫無
尺土封非長久計也請以都督府要州分而王之縱今尙幼
且擇立師傅養成德器藩屏皇家書奏后雖猜克不能無感
乃召見賜食厚慰遣之明年復諫曰臣聞天下者高祖太宗
之天下有隋失馭羣雄鹿駭唐家親事戎旅以平寓縣指河
爲誓非李氏不王非功臣不封陛下雖居正統實唐舊基前
日太子在諒闇相王非長嗣唐祚中弱故陛下因以卽位今
太子年德已盛尙貪有大寶忘母子之恩蔽其元良以據神
器何施顏面見唐家宗廟大帝陵寢哉臣謂天意人事還歸
李氏物極則復器滿則覆當斷不斷反受其亂誠能高揖萬
機自怡聖心史臣書之樂府歌之斯盛事也臣聞見過不諫
非忠畏死不言非勇陛下以臣爲忠則擇是而用以爲不忠

則斬臣頭以令天下書聞不報於是魏元忠爲張易之兄弟
所構獄方急安恒獨申救曰王者有容天下之量故濟其心
能進天下之善故除其惡不然則鬼神憑怒陰陽糾舛陛下
始革命勤政博謀天下皆以爲明王暮年戢怠讒佞熾結水
火相災百姓不親五品不遜天下皆以爲暗君邪正糅進獄
訟冤劇何昔是而今非邪居安忘危之失也竊見元忠廉直
有名位宰相履忠正邪佞之徒嫉之若讎易之兄弟無功無
德位勢隆極指馬獻蒲先害善良自元忠下獄人人偶語謂
易之交亂且及四國烈士撫髀忠臣鉗口懼忤易之意徒死
無益况賊虜方強賦斂重困而自縱讒慝搖變遐邇臣恐四
夷窺覘爲邊鄙患百姓託義以清君側逐鹿之人叩關而至
陛衛左右從中以應爭鋒朱雀之門問鼎大明之宮陛下何

以謝之臣今計者莫如收雷電之威解恢恢之網復爵還位
君臣如初則天下幸甚陛下縱不能斬佞臣塞人望且當抑
奪榮寵剪其羽翼無使驕橫爲社稷憂疏奏易之等大怒遣
刺客邀殺之賴鳳閣舍人桓彥範等悉力營解乃免神龍初
爲習藝館內教節愍太子難或譏安恒豫謀死獄中睿宗立
知其枉詔贈諫議大夫

新唐書

杜景儉

案本傳作景佺今從舊書及通鑑

冀州武邑人性嚴正舉明經中第

累遷殿中侍御史出爲益州錄事參軍時隆州司馬房嗣業
徙益州司馬詔未下欲卽視事先笞責吏以示威景儉謂曰
公雖受命爲司馬此州未受命何急數日祿邪嗣業怒不聽
景儉曰公持咫尺制眞僞莫辨卽欲攪亂一府敬業揚州之
禍非此類邪叱左右罷去旣乃除荊州司馬吏歌之曰錄事

意與天通州司馬折威風由是寢知名入爲司刑丞與徐有
功來俊臣侯思止專治詔獄時稱遇徐杜者生來侯者死故
秋官員外郎與侍郎陸元方按員外郎侯味虛罪已推輒釋
之武后怒其不待報元方大懼景儉獨曰陛下明詔六品七
品官文辨已定待命於外今雖欲罪臣奈明詔何宰相曰詔
爲司刑設何預秋官邪景儉曰詔令一布無臺寺之異后以
爲守法擢鳳閣舍人遷洛州司馬延載元年檢校鳳閣侍郎
同鳳閣鸞臺平章事后嘗季秋出梨花示宰相以爲祥眾賀
曰陛下德被草木故秋再華周家仁及行葦之比景儉獨曰
陰陽不相奪倫瀆卽爲災故曰冬無愆陽夏無伏陰春無淩
風秋無苦雨草木黃落而木復華瀆陰陽也竊恐陛下布德
施令有所虧紊臣位宰相助天治物治而不和臣之咎也頓

首請罪后曰眞宰相也會李昭德下獄景儉苦申救后以爲

面欺左遷秦州刺史入拜司刑卿聖厯元年復以鳳閣鸞臺

平章事

案舊書作聖厯二年本紀及宰相表以爲神功元年閏十月事

契丹入寇陷河北數

州虜已去武懿宗欲盡論其罪景儉以爲脅從可原后如其

議罷爲秋官尙書坐漏省中語降司刑少卿出爲并州長史

道病卒贈相州刺史景儉初名元方垂拱中改今名

新唐書

澄以文藻著名官至鞏縣尉

舊唐書

趙涓冀州人幼有文天寶時第進士補鄆城尉稍厯臺省河

南王縉奏充判官德宗初爲衢州刺史始永泰時禁中火近

東宮代宗疑之涓以監察御史爲巡使驗治明諦迹火所來

乃宦人直舍者帝在東宮頗德之及治衢不爲觀察使韓滉

所容奏免官帝以名問宰相曰是豈永泰時御史乎對曰然

詔拜尙書左丞典吏部選從狩梁興元元年卒贈戶部尙書

子博宣亦擢進士第藻翰豪邁沈於酒傲忽少檢陳許幽環

辟署於府久不能堪乃誣受吳少贓金爲反間數言休咎惑

眾詔杖四十流康州時人冤之

新唐書

田神功冀州南宮人天寶末爲縣史會天下兵興賊署爲平

盧兵馬使率眾歸朝從李忠臣收滄德攻相州拒杏園後守

陳留戰不勝與許叔冀復降史思明思明使與南德信劉從

諫南略江淮遂襲德信斬之從諫脫身走并將其兵來歸詔

拜鴻臚卿

新唐書

戰於鄭州破賊四千生擒其將四人牛馬器

械不可勝計

舊唐書

俄襲敬釭鄆州不克劉展反鄧景山引以

助討入揚州大掠居人商賈貲貨發冢墓死者數千人俄而

禽展送京師

案續通志云通鑑上元二年賈隱射展中目而仆遂斬之木劉展亂紀新舊書暨實錄俱云生

擒今遷充鄆節度使謹案續通志云新書遷淄青節度使更從之

徙充鄆按新書方鎮表上元二年置淄沂節度使侯希逸引兵保青州授青密節度使遂廢淄沂節度使併所管五州號淄青平盧節度據此神功不當先領此

職故時賊圍宋州急李光弼奏神功往救賊解去又破法子不從

營復攻敬釭降之朝義聞乃奔下博進封信都郡王徙河南

節度汴宋八州觀察使大厯二年來朝加檢校尚書右僕射

詔宰相百官送至省又判左僕射知省事加太子太師還鎮

神功事母孝始嘗倨驕自如見光弼侍官屬鈞禮乃折節謙

損既寢疾宋之將吏爲禳祈報恩八年自力入朝卒案本書元載傳

大厯八年元載請戍原州乘間築作二旬可訖貯粟一歲徙子儀軍在涇分兵守石門本峽隴之關寇不可越稍置鳴沙

縣豐安軍爲之羽翼北帶靈武五城爲之形勢然後舉隴右之地以至安西是謂斷西戎脛因圖上地形神功沮短其議

曰興師料敵老將所難陛下信一書生言舉國從之誤矣代宗爲撤樂贈司徒詔其弟曹

州刺史神玉知汴州留後賻絹布特許百官弔喪賜屏風茵

褥於靈座至德後節度使無兼宰相者惟神功恩禮最篤神

王終汴宋節度留後

新唐書

孔巢父字弱翁冀州人父如珪海州司戶參軍

案新書本傳不言籍貫宅

相世系表稱穎達爲下博孔氏又稱巢父爲穎達族孫務本之後下博貞觀後屬冀州

巢父少力學隱

徂來山與韓準裴政李白張叔明陶沔號竹溪六逸

舊唐書

王璘稱兵江淮辟署幕府不應鏹蹟民伍璘敗知名廣德中

李季卿宣撫江淮薦爲左衛兵曹參軍三遷庫部員外郎出

爲涇原行軍司馬累拜湖南觀察使

案舊唐書大厯初澤潞節度使李抱玉奏爲賓

幕累授監察御史轉殿中檢校庫部員外郎出授歸州刺史建中初涇原節度留後孟舉表巢父試祕書少監兼御史中丞行軍司馬尋拜汾州刺史入爲諫議大夫出爲潭州刺史湖南觀察使未行會普王爲荆襄副

元帥署行軍司馬從德宗幸奉天擢給事中爲河中陝華招

討使累上破賊方略帝嘉納未幾兼御史大夫充魏博宣慰

使巢父辨而才及見田悅與言君臣大義利害逆順開曉其
眾時悅久不臣下皆厭亂雜然喜曰不圖今日還爲王人酒
中悅起自陳騎射工曰陛下見用何敵不摧巢父曰爾若不
蚤自歸乃一劇賊耳悅曰能爲劇賊豈不能爲功臣巢父曰
國方多虞待子而息悅謝焉數日田緒殺悅與大將邢曹俊
等聽命巢父卽以緒權知軍務紓其難李懷光據河中帝復
令巢父宣慰罷兵以太子太保授之懷光素服待命巢父不
止眾忿曰太尉無官矣方宣詔乃譟而合害巢父并殺中人
啖守盈初巢父至懷光以其使魏博而田悅死以其謀出巢
父故軍亂不肯救帝聞震悼贈尙書左僕射諡曰忠詔具禮

收葬賜其家粟帛存卹之從子殘戡戢

案韓昌黎撰孔戡墓誌云考諱岑父昆弟

五人載戡戢戢與本傳云從子者符世系表則云巢父生載
殘戡戢戢威與誌傳異誌云兄弟五人而表又有威所載互

異如此今

從誌傳

新唐書

父岑父祕書省著作佐郎贈尚書

省左僕射

韓愈撰墓誌

擢進士第鄭滑盧羣辟爲判官羣卒攝

總留務監軍楊志謙雅自肆眾皆恐戮邀志謙至府與對榻

卧起示不疑志謙嚴憚不敢動入爲侍御史累擢諫議大夫

案墓誌云元和元年以大理正徵累遷江州刺史諫議大夫

條上四事一多冗官二吏不

奉法三百姓田不盡墾四山澤樵酤爲州縣弊憲宗異其言

中人劉希光受賕二十萬抵死吐突承璀坐厚善逐爲淮南

監軍太子舍人李涉知帝意投匭上言承璀有功不可棄戮

得副章不肯受面質讓之涉更因左右以聞戮劾奏涉結近

倖營罔上聽有詔斥涉峽州司馬

謹案舊書作陝州司倉

宦寵側目人

爲危之俄兼太子侍讀改給事中江西觀察使李少和坐賊

獄寢不下博陵崔易簡殺從父兄鞠狀具京兆尹左右之翻

其情殘慷慨論正貶少和殺易簡奪尹三月俸再遷尙書左

丞

案墓誌云權知尙書右丞明年拜左丞

信州刺史李位好黃老道數祠禱部

將韋岳告位集方士圖不軌監軍高重謙上急變捕位劾禁
中殘奏刺史有罪不容繫仗內請付有司詔送御史臺殘與
三司雜治無反狀岳坐誣枉誅貶位建州司馬中人愈怒故
出爲華州刺史明州歲貢淡菜蚶蛤之屬殘以爲自海抵京
師道路役凡四十三萬人奏罷之

新唐書

下邳令笞外按繫御

史獄殘上疏理之詔釋下邳令

墓志

厯大理卿

案韓文孫註云元和十年二月

以李絳代殘爲華州以殘爲大理卿

國子祭酒會嶺南節度使崔詠死帝謂裴

度曰嘗論罷蚶菜者誰歟今安在度以殘對卽拜嶺南節度
使既至免屬州逋負十八萬緡米八萬斛黃金稅歲八百兩
先是屬刺史俸率三萬又不時給皆取部中自衣食殘乃倍